

KOMMERSIËLE SAMBREELAANSPREEKLIKHEID

OMSKREWE GEBEURTENISSE

Skadevergoeding waarvoor die Versekerde regtens aanspreeklik word om te betaal volgende op Besering, Skade, Kwaadwilligheid of Nalatige Advies wat in die loop van of in verband met die Besigheid plaasvind binne die Gebiedsperke.

OMSKRYWINGS

Besigheid

Die Besigheid van die Versekerde soos in die bylae van hierdie afdeling vermeld as synde ingesluit.

Koste en uitgawes

Koste, uitgawes en regsonkoste verhaalbaar van die Versekerde deur 'n eiser of enige aantal eisers of aangegaan deur die Maatskappy of aangegaan deur die Versekerde met die Maatskappy se vooraf toestemming:

1. in die verdediging of skikking van enige eis ingevolge hierdie afdeling van die polis of enige handeling of vervolging wat teen die Versekerde aanhangig gemaak word met betrekking tot Besering of Skade of ander aanspreeklikheid soos verseker in terme van hierdie afdeling van die polis.
2. in die verteenwoordiging by enige geregtelike doodsondersoek of ongeluksnavraag met betrekking tot Besering wat die onderwerp van skadeloosstelling ingevolge hierdie afdeling van die polis mag uitmaak en/of in die verdediging van enige verrigtinge in 'n Hof met toepaslike jurisdiksie met betrekking tot aangeleenthede wat die onderwerp van skadeloosstelling ingevolge hierdie afdeling van die polis mag uitmaak.

Skade

Verlies van of skade aan tasbare eiendom, toe-eiening, oortreding, hinder of onregmatige aantasting van die besit van regte op tasbare eiendom.

Besering

Dood, besering, siekte (geestelik of liggaamlik), ongesteldheid, wederregtelike aanhouding of inhegtenisname van of aan enige persoon.

Kwaadwilligheid

Kwaadwillige regsproses, kwaadwillige onwaarheid, laster of skending van kopiereg, titel, leuse of idee.

Nalatige Advies

Verkeerde of onvoldoende advies verstrek in die bevordering van die Versekerde se produkte, maar sonder die verwagting of ontvangs van enige ander vergoeding.

Produk

Enige artikel, nadat dit die toesig of beheer van die Versekerde verlaat het, wat ontwerp, gespesifiseer, geformuleer, vervaardig, gebou, geïnstalleer, verkoop, voorsien, versprei, behandel, gediens, versien of herstel word deur of namens die Versekerde.

Onderliggende Versekering

sal beteken dekking wat van krag is ten opsigte van:

1. die afdeling Gemeenregtelike Aanspreeklikheid van hierdie polis of;
2. Motor derdeparty-aanspreeklikheid soos verseker ingevolge die afdelings Motor, Motorvloot of

Motorindustrie Risiko's van hierdie polis; of

3. die afdeling Werkgewersaanspreeklikheid van hierdie polis; of
4. enige uitbreiding op enige afdeling van hierdie polis wat dekking vir eiendom verleen, insluitende die afdeling Geboue Omvattend;

insluitende enige uitbreidings tot Onderliggende Versekering 1 tot 4 hierbo soos in die bylae van die Onderliggende Versekering as ingesluit vermeld. Waar dekking vir die uitbreiding tot die Onderliggende Versekering nie ingesluit is nie, word geen dekking toegestaan vir daardie uitgebreide dekking deur enige van die Skadeloosstellingsgrondslae van hierdie Sambreelaanspreeklikheid afdeling nie.

SKADELOOSSTELLINGSPERKE

Die bedrag betaalbaar, met inbegrip van enige Koste en Uitgawes, vir enige eis of aantal eise vir enige enkele gebeurtenis of reeks gebeurtenisse met een oorspronklike oorsaak of bron, beloop hoogstens die Skadeloosstellingsperk vermeld in die bylae.

Waar meer as een versekeringstydperk van hierdie polis van toepassing mag wees op 'n oorspronklike oorsaak of bron, opvolgend tot die hernuwing of vervanging daarvan, sal die Maatskappy se aanspreeklikheid beperk wees tot die maksimum Skadeloosstellingsperk vir enige enkele sodanige versekeringstydperk. Indien die premie maandeliks deur middel van debietorder betaal word, word die woord "versekeringstydperk" verander om te lees "vir enige enkele tydperk van 12 agtereenvolgende maande vanaf die intree- of hernuwingsdatum".

Waar die Versekerde, bykomend tot hierdie afdeling, in sy individuele naam verseker is ingevolge die Persoonlike Regsaanspreeklikheid afdeling en/of Persoonlike Sambreelaanspreeklikheid afdeling van hierdie polis, sal die Maatskappy die besigheid en individu apart, en nie gesamentlik nie, skadeloos stel, met dien verstande dat die totale aanspreeklikheid van die Maatskappy hoogstens die som sal beloop van die Skadeloosstellingsperk wat in die bylae vermeld word vir die Persoonlike Regsaanspreeklikheid afdeling en Persoonlike Sambreelaanspreeklikheid afdeling, of alternatiewelik, die som van die Skadeloosstellingsperk van die Gemeenregtelike Aanspreeklikheid afdeling en Kommersiële Sambreelaanspreeklikheid afdeling, wat ook al die hoogste is.

GEBIEDSPERKE

Enige plek ter wêreld maar nie ten opsigte van enige uitspraak, toekenning of skikking binne enige land wat onderworpe is aan die wette van die Verenigde State van Amerika of Kanada nie (of onderhewig is aan enige bevel wat op enige plek in die wêreld gemaak is om sodanige uitspraak, toekenning of skikking, ten volle of gedeeltelik uit te voer).

SKADELOOSSTELLINGSGRONDSLAG

Die Omskrewe Gebeurtenisse van hierdie afdeling verskaf skadeloosstelling soos omskryf ingevolge Grondslag 1, 2 en 3 hieronder:

Grondslag 1: Oorskotlaagdekking (indien in die bylae as ingesluit vermeld)

Hierdie grondslag verleen skadeloosstelling binne die Omskrewe Gebeurtenisse van hierdie afdeling waar die eis gedek is deur die terme van die Onderliggende Versekering, maar slegs tot die mate waarin die eis nie deur sodanige Onderliggende Versekering aangespreek word nie alleenlik weens die ontoereikendheid van die onderliggende skadeloosstellingsperk,

met dien verstande dat:

1. die dekking verskaf deur die Oorskotlaagdekking onderhewig is aan dieselfde terme, uitsluitings en voorwaardes as die Onderliggende Versekering;
2. die Oorskotlaagdekking skadeloosstelling verskaf in oorskot bo die skadeloosstellingsperk vermeld in die Bylae met betrekking tot die Onderliggende Versekering, behalwe waar sodanige skadeloosstellingsperk verminder of uitgeput is vanweë eise, in welke geval hierdie versekering in oorskot van die Eerste Bedrag

Betaalbaar (indien enige) van die Onderliggende Versekering betaal;

3. indien die skadeloosstellingsperk van die Onderliggende Versekering deur vorige eise uitgeput is, sal die Maatskappy hierdie afdeling interpreteer asof die Onderliggende Versekering steeds van krag was;
4. indien die Onderliggende Versekering meld dat in die algemeen of ten opsigte van gespesifiseerde eise die skadeloosstellingsperk die totaal is van alle skadeloosstelbare eise wat plaasvind of ingestel word gedurende die versekerings tydperk van die Onderliggende Versekering, word dit verklaar dat die skadeloosstellingperk ingevolge hierdie afdeling op 'n identiese grondslag as die Onderliggende Versekering is.

Grondslag 2: Verskil in voorwaardes-dekking (indien in die bylae as ingesluit vermeld)

Hierdie Grondslag verskaf skadeloosstelling binne die Omskrewe Gebeurtenisse van hierdie Afdeling waar die eis binne die Omskrewe Gebeurtenisse van die Onderliggende Versekering val, maar waar sodanige eis afgewys word weens 'n polistern, -voorwaarde of -uitsluiting van die Onderliggende Versekering.

Met dien verstande dat:

1. waar 'n eis nie onder die Onderliggende Versekering gedek is nie weens 'n uitsluiting in die Onderliggende Versekering, maar gedek kon gewees het deur 'n opsionele uitbreiding in die Onderliggende Versekering (soos gelys in die Bylae), sal hierdie Grondslag 2: Verskil in voorwaardes-dekking dan nie in werking tree nie;
2. indien 'n eis ingevolge die Omskrewe Gebeurtenisse van die Onderliggende Versekering gedek word, maar sodanige Onderliggende Versekering deur ander eise uitgeput is en waar, na die mening van die Maatskappy, sodanige eis deur die Onderliggende Versekering uitgesluit sou gewees het op grond van 'n bepaling, uitsluiting of voorwaarde, sal die voorbehoudsbepalings van hierdie Verskil in voorwaardes-dekking van toepassing wees (buiten waar 'n opsionele uitbreiding beskikbaar was om die dekking ingevolge die Onderliggende Versekering, soos omskryf onder 1 hierbo, in te sluit);
3. die Maatskappy volg die bepalinge van die Omskrewe Gebeurtenisse van die Onderliggende Versekering om die grondslag te bepaal waarvolgens die Versekerde deur hierdie klousule van hierdie afdeling skadeloos gestel word, synde of:
 - 3.1 ten opsigte van Besering, Skade of Kwaadwilligheid wat plaasvind of Nalatige Advies bedien gedurende die geldigheid van hierdie afdeling (Gebeurtenis-grondslag), of
 - 3.2 ten opsigte van eise wat teen die Versekerde ingestel word gedurende die geldigheid van hierdie afdeling volgende op Besering, Skade, Kwaadwilligheid of Nalatige Advies (Eise Ingestel-grondslag);
4. indien 'n eis deur die Maatskappy op die Onderliggende Versekering afgewys word ingevolge die bepalinge van 'n uitsluiting wat verband hou met die versuim van 'n produk om te presteer soos gespesifiseer of gewaarborg of om aan sy bestemde doel te voldoen, en die Onderliggende Versekering is op 'n gebeurtenisgrondslag en die omstandighede van die eis is sodanig dat die Versekerde of die Maatskappy nie onderling ooreen kan kom wanneer die verlies plaasgevind het nie, die Maatskappy die eis hanteer op die grondslag dat die verlies voorgekom het op die stadium toe die eiser die eerste keer die Versekerde in kennis gestel het van 'n omstandigheid of gebeurtenis wat daaropvolgend tot 'n skadeloosstelbare eis aanleiding gegee het;
5. die Verskil in voorwaardes-dekking verleen nie skadeloosstelling indien 'n eis deur die bewoording van die Omskrewe Gebeurtenisse van die Onderliggende Versekering uitgesluit word nie, tensy 'n eis deur die Onderliggende Versekering uitgesluit word:
 - 5.1 uitsluitlik op grond daarvan dat die Besering of Skade nie toevallig van aard was nie of dat dit nie uit 'n ongeval voortgespruit het nie;
 - 5.2 uitsluitlik op grond daarvan dat tydelike verlies aan gebruik van eiendom of vermindering in waarde van eiendom nie ingevolge die Omskrewe Gebeurtenisse van die Onderliggende Versekering skade verteenwoordig nie.

Grondslag 3: Bykomende Risiko's-dekking (indien in die bylae as ingesluit vermeld)

Hierdie grondslag verskaf skadeloosstelling waar die eis buite die omvang van die Omskrewe Gebeurtenisse van enige van die Onderliggende Versekering val, maar binne die omvang van die Omskrewe Gebeurtenisse van hierdie afdeling.

Met dien verstande dat:

1. 'n eis nie die onderwerp van skadeloosstelling deur enige ander versekeringspolis is nie, is nie gedek of kan nie gedek word nie (hetsy ten volle of gedeeltelik) deur die Oorskotlaagdekking of die Verskil in voorwaardes-dekking en val binne binne die Omskrewe Gebeurtenisse van hierdie afdeling;
2. die skadeloosstelling verleen deur die Bykomende Risiko's-dekking beperk word tot eise wat gedurende die versekeringstydperk van hierdie afdeling teen die Versekerde ingestel word, of gebeurtenisse of omstandighede waarvan die Versekerde gedurende sodanige versekeringstydperk die Maatskappy in kennis stel en wat daaropvolgend aanleiding gee tot eise wat ingestel word;
3. die skadeloosstellingsperk van hierdie afdeling ten opsigte van dekking wat deur die Bykomende Risiko's-dekking verleen word, beperk word tot die totaal van alle eise ingestel gedurende die versekeringstydperk van hierdie afdeling, of gebeurtenisse of omstandighede waarvan die Versekerde gedurende sodanige tydperk die Maatskappy in kennis stel en wat daaropvolgend aanleiding gee tot eise wat ingestel word (indien die premie maandeliks deur middel van debietorder betaal word, word die woord "versekeringstydperk" verander om te lees "enige enkele tydperk van 12 agtereenvolgende maande vanaf die intree- of hernuwingsdatum");
4. geen skadeloosstelling deur die Bykomende Risiko's-dekking verleen word nie indien die Maatskappy weier om skadeloosstelling te verleen ingevolge die Onderliggende Versekering ten opsigte van 'n eis op die basis dat die Besering, Skade, Kwaadwilligheid, Nalatige Advies of gebeurtenis nie plaasgevind het nie of die eis nie gedurende die versekeringstydperk ingestel is nie (na gelang van die geval).

KLOUSULES EN UITBREIDINGS

Bykomende Versekerde

Die Maatskappy stel ook die volgende skadeloos asof 'n afsonderlike polis aan elk uitgereik is:

1. in die geval van die dood van die Versekerde, enige persoonlike verteenwoordiger van die Versekerde ten opsigte van aanspreeklikheid wat deur die Versekerde opgeloop is;
2. enige vennoot of direkteur of werknemer van die Versekerde (indien die Versekerde dit so versoek) teen enige eis waarvoor die Versekerde op skadeloosstelling ingevolge hierdie versekering geregtig is;
3. in die mate wat dit deur enige kontrakvoorwaardes vereis word en in verband met enige aanspreeklikheid wat voortspruit uit die uitvoer van enige kontrak, enige werkgewer wat genoem word in enige kontrak wat die Versekerde vir die doeleindes van die Besigheid aangaan;
4. ten opsigte van die werksaamhede van enige sosiale of sportklub, welsynsorganisasie, noodhulp-, brandweer of ambulansdiens, kafeteria en dies meer wat aan die Versekerde behoort of deur hom tot stand gebring is tot voordeel van sy werknemers:
 - 4.1 enige beampte of lid daarvan;
 - 4.2 enige besoekende sportspan of lid daarvan.

Met dien verstande dat:

1. die Maatskappy se totale aanspreeklikheid hoogstens die Skadeloosstellingsperke beloop wat in die bylae vermeld word;
2. enige persoon of organisasie op wie die uitbreiding van toepassing is, nie geregtig is op skadeloosstelling ingevolge enige ander polis nie;
3. die skadeloosstelling ingevolge 1, 2 en 3 hierbo slegs van toepassing is ten opsigte van aanspreeklikheid waarvoor die Versekerde op skadeloosstelling geregtig sou gewees het indien die eise teen die Versekerde ingestel was.

4. elke party waarop die skadeloosstelling hierkragtens van toepassing is, moet die bepalings, uitsluitings en voorwaardes (algemeen sowel as spesifiek) van hierdie versekering nakom, uitvoer en daaraan onderworpe wees in soverre dit van toepassing mag wees.

Kruisaanspreeklikhede

Waar meer as een Versekerde in die Bylae genoem word, stel die Maatskappy elke Versekerde afsonderlik en nie gesamentlik skadeloos en enige aanspreeklikheid wat tussen sodanige Versekerdes ontstaan, sal hanteer word asof afsonderlike polisse aan elk uitgereik is, met dien verstande dat die Maatskappy se totale aanspreeklikheid hoogstens die Skadeloosstellingsperk vermeld in die bylae beloop.

SPESIFIEKE UITSLUITINGS

(van toepassing op alle Skadeloosstellingsgrondslae)

Die Maatskappy stel die Versekerde nie skadeloos nie ten opsigte van:

1. boetes, strafvotrekings, straf-, bestraffende of wraaksugtige skadevergoeding;
2. 2.1 aanspreeklikheid met betrekking tot Besering, Skade of verlies van gebruik van eiendom wat regstreeks of onregstreeks veroorsaak word deur Besoedeling, altyd met dien verstande dat hierdie uitsondering nie van toepassing is nie waar sodanige Besoedeling deur 'n skielike, onbedoelde en onvoorsiene gebeurtenis veroorsaak is;
- 2.2 die koste om stowwe wat uit Besoedeling voortspruit, te verwyder, te neutraliseer of skoon te maak, tensy die Besoedeling veroorsaak is deur 'n skielike, onbedoelde en onvoorsiene gebeurtenis;

Hierdie uitsluiting brei nie die polis uit om enige aanspreeklikheid te dek wat in die afwesigheid van hierdie uitsluiting nie ingevolge hierdie polis verseker sou gewees het nie;

3. enige Besering, Skade, Kwaadwilligheid of Nalatige Advies wat plaasvind voor die Terugwerkende Datum wat op die Onderliggende Versekering van toepassing is;
4. aanspreeklikheid wat voortspruit uit enige omstandigheid of gebeurtenis wat aan die Versekerde bekend is:
 - 4.1 wat nie ingevolge Algemene voorwaarde 6 aan die Maatskappy gerapporteer word nie; en/of
 - 4.2 wat die intreedatum van hierdie afdeling voorafgaan;
5. aanspreeklikheid volgende op Besering, Skade, Kwaadwilligheid of Nalatige Advies wat voortspruit uit enige moedswillige, bewustelike of doelbewuste verontagsaming van die Versekerde of die Versekerde se bestuur om die nodige en redelike voorsorgmaatreëls te tref om enige gebeurtenis of omstandigheid wat tot 'n eis aanleiding mag gee, te voorkom;
6. enige boete opgelê of strafvotrekking opgeloop as gevolg van die pleging van 'n kriminele oortreding;
7. enige voordele waarvoor die Versekerde ingevolge enige toepaslike werknemersvergoeding, werkloosheidsvergoeding of ongeskiktheidsvoordele wetgewing en/of soortgelyke wetgewing en/of skema aanspreeklik is;
8. soveel van enige vergoeding of eis as wat binne die omvang van enige verpligte motorvoertuigversekering wetgewing val. Hierdie uitsluiting sal geld ongeag of versekering ingevolge sodanige wetgewing van krag is of uitgeneem is, al dan nie;
9. enige nodige kostes om enige Produk of gedeelte daarvan te herstel, te vervang, te vernuwe of te modifiseer en/of vir die verlies aan gebruik van enige Produk of enige gedeelte daarvan;
10. enige aanspreeklikheid voortspruitende uit die onttrekking van enige Produk of enige gedeelte daarvan;
11. enige aanspreeklikheid voortspruitende uit prestasiewaarborge of klousules wat likwiderende boetes of strafvotrekings stipuleer, behalwe in soverre dit bewys kan word dat sodanige aanspreeklikheid in die afwesigheid van enige kontraktuele bepaling sou ontstaan het;
12. enige aanspreeklikheid vir persoonlike Besering veroorsaak deur of waartoe bygedra is deur langdurige

- blootstelling aan stowwe, faktore of omstandighede uniek tot enige spesifieke diens of beroep;
- 13 enige aanspreeklikheid vir motor balans van derdeparty aanspreeklikheid tensy sodanige aanspreeklikheid in oorskot van die Onderliggende Versekering is en daardeur skadeloos gestel word;
 - 14 enige aanspreeklikheid voortspruitende uit die vervoer van passasiers vir huur of vergoeding of die vervoer van reisgeld-betalende passasiers tensy sodanige vergoeding of betaling van reisgeld bykomend is tot die Besigheid van die Versekerde soos vermeld in die bylae en die maksimum aantal sitplekke van sodanige voertuig 16 (of minder) is, met inbegrip van die bestuurder;
 - 15 aanspreeklikheid vir verlies of skade, insluitende nadelige verandering en enige nagevolge daarvan, aan enige elektroniese data;
 - 16 aanspreeklikheid vir enige onbillike arbeidspraktyk met inbegrip van, maar nie beperk nie, tot onregmatige afdanking binne die strekking van die Wet op Arbeidsverhoudinge Nr. 66 van 1995 soos gewysig, of enige Wet wat as vervanging daarvan gepromulgeer word;
 - 17 Besering of Skade wat plaasvind in die Verenigde State van Amerika of Kanada veroorsaak deur of deur middel van of in verband met enige goedere of Produkte verkoop of verskaf deur of na die bestelling van die Versekerde, indien sodanige goedere of Produkte, na die wete van die Versekerde, na die Verenigde State van Amerika of Kanada uitgevoer is deur of namens die Versekerde of indien sodanige verkoop of herverkoop redelikerwys deur die Versekerde verwag kon gewees het;
 - 18 enige aanspreeklikheid indien die vervoer van gevaarlike stowwe nie voldoen het aan artikel VIII van die Nasionale Padverkeerswet van 1996 (Nr. 93 van 1996), soos gewysig, of enige Wet was as vervanging daarvan gepromulgeer word;
 - 19 aanspreeklikheid wat voortspruit uit enige moedswillige of doelbewuste handeling van die Versekerde, enige werknemer van die Versekerde of enige persoon waarvoor die Versekerde middellik aanspreeklik sou wees;
 - 20 handelinge, foute of weglatings van die direkteure of beamptes van die Versekerde terwyl in sodanige hoedanigheid opgetree word, of in die voorsiening van professionele dienste deur die Versekerde, wat die verstrekking van advies, enige handeling geneem of werk onderneem deur die Versekerde in die loop van hulle onderneming in enige hoedanigheid wat spesiale vaardigheid of kennis vereis, of die versuim om enige verpligtinge op grond daarvan te onthef, insluit. Hierdie uitsluiting is nie van toepassing op Nalatige Advies nie;
 - 21 enige aanspreeklikheid wat voortspruit uit die verspreiding van brand na enige veld of bos vanaf persele wat deur die Versekerde besit, gebruik, gehuur of gebruikhuur word, tensy die Versekerde ten tye van die brand voldoen aan die regulasies van die Nasionale Wet op Veld- en Bosbrande No. 101 van 1998 (soos gewysig of enige Wet wat in vervanging daarvan uitgereik is) met betrekking tot die perseel van waar die brand versprei het;
 - 22 enige aanspreeklikheid wat voortspruit uit die verspreiding van brand na enige suikerriet- of bosbouplantasie vanaf enige persele wat deur die Versekerde besit, gebruik, gehuur of gebruikhuur word;
 - 23 enige aanspreeklikheid wat voortspruit uit die bars of oorloop van enige dam met 'n veiligheidsrisiko soos omskryf in die Nasionale Waterwet 36 van 1998 (soos gewysig of enige Wet wat in vervanging daarvan uitgereik is);
 - 24 enige aanspreeklikheid wat voortspruit uit Produkte wat bestem is om geïnstalleer te word en geïnstalleer is in, of bestem is om deel te vorm en deel vorm, van 'n lugvaartuig;
 - 25 enige aanspreeklikheid wat voortspruit uit enige defek in enige Produk of enige gedeelte daarvan waarvan die Versekerde bewus was voor die inwerkingtreding van hierdie afdeling;
 - 26 enige eis of eise, of dit werklik of beweerd is, hoe ook al dit voortspruit in verband met of gebaseer op of voortspruitend uit of op enige manier werklike of beweerde onregmatige kompetisie, onregverdige praktyke, misbruik van monopolie-mag of kartel aktiwiteite insluit of wat anderins mag voortspruit uit of gebaseer is op of verband hou met enige verbreking van 'n bepaling van die Kompetisiewet No. 89 van 1998 (soos gewysig of enige Wet wat in vervanging daarvan uitgereik is) of enige soortgelyk bepaling, wet of regulasie soos wat van krag mag wees in enige jurisdiksie of land waarin die Versekerde se aanspreeklikheid ontstaan;
 - 27 enige aanspreeklikheid wat voortspruit uit Skade aan eiendom in die Versekerde se sorg, bewaring of

beheer waar die Versekerde of enige werknemer van die Versekerde betaling ontvang vir die berging van sodanige eiendom as deel van die Versekerde se Besigheid;

28. enige aanspreeklikheid wat spesifiek in die bylae van die Onderliggende Versekering uitgesluit is.

BYKOMENDE SPESIFIEKE UITSLUITINGS

(slegs van toepassing op 2. Verskil in voorwaardes-dekking en 3. Bykomende Risiko-dekking)

Die Maatskappy sal nie die Versekerde skadeloos stel nie in verband met:

1. enige aanspreeklikheid vir of wat voortspruit uit die eienaarskap, huurkoop of verhuring van enige lugvaar tuig, watervaartuig of sweefboot (behalwe watervaartuig waarvan die lengte nie 15,25 meter oorskry nie en alleenlik terwyl op binnelandse waterweë) deur of namens die Versekerde;
2. enige aanspreeklikheid vir of wat voortspruit uit die herstel, instandhouding, hervulling of ontleding van enige lugvaartuig, watervaartuig of sweefboot wat deur of namens die Versekerde teen vergoeding onderneem word;

Bykomende Spesifieke Uitsluitings 1 en 2 is nie van toepassing nie op aanspreeklikheid vir sterfte, besering, siekte of kwaal van of aan die werknemers van die Versekerde wat in die loop van sodanige diens ontstaan;

3. sydeling, besoedeling of kontaminasie synde die natuurlike gevolg van die bedryf of bestaan van die Besigheid;
4. Skade aan eiendom in die besit, gehuur of verhuur, of onder bruikhuur of op leen aan die Versekerde of andersins onder die sorg, bewaring of beheer van die Versekerde buiten persele (of die inhoud daarvan) wat tydelik deur die Versekerde geokkupeer word vir die doel van werk daarin, of ander eiendom tydelik in die Versekerde se besit vir werk daaraan (maar geen skadeloosstelling word verleen ten opsigte van Skade aan die eiendom waaraan die Versekerde werk en wat uit sodanige werk voorspruit nie);
5. enige aanspreeklikheid waar die skadeloosstelling beskikbaar is ingevolge die Onderliggende Versekering deur middel van 'n opsionele uitbreiding en waar dit in die Onderliggende Versekering aandui dat die opsionele uitbreiding as "nie ingesluit nie" in die bylae van sodanige Onderliggende Versekerde vermeld word.

SPESIFIEKE VOORWAARDES

1. Enige dispuut tussen die Versekerde en die Maatskappy in verband met of wat voortspruit uit hierdie afdeling sal uitsluitlik ooreenkomstig die Wette van die Republiek van Suid-Afrika geskik word en uitsluitlik in 'n bevoegde hof van die Hooggeregshof van die Republiek van Suid-Afrika.
Die Versekerde onderneem om nie aksie teen die Maatskappy te onderneem of 'n gesamentlike geding teen die Maatskappy aanhangig te maak in die Hof van enige land buiten die Republiek van Suid-Afrika nie.
2. Die versekering ingevolge hierdie afdeling sal gestaak word indien die Besigheid tot 'n einde gebring word, in besigheidsredding geplaas word of deur 'n likwidateur of geregtelike bestuurder oorgeneem word of indien dit permanent beëindig word, behalwe as die Maatskappy skriftelik daartoe instem.
3. Dit is 'n voorwaarde van die skadeloosstelling wat hierdie afdeling verleen dat die Onderliggende Versekering (soos omskryf) vir die volle versekeringstydperk van hierdie afdeling van krag bly.
4. Indien daar, ten tyde van 'n gebeurtenis wat tot 'n eis ingevolge hierdie afdeling aanleiding gee, ook skadeloosstelling verleen word deur enige ander versekering, behalwe 'n polis wat spesifiek bedoel is om skadeloosstelling in oorskot bo hierdie polis te verleen, dra die versekering wat deur hierdie afdeling verleen word nie saam met sodanige versekering by nie. Die bepaling van hierdie voorwaarde sal geld niteenstaande die feit dat voormelde polis vernietigbaar is of dat die Maatskappy daarop geregtig is om skadeloosstelling nietig te verklaar ten opsigte van 'n voorval wat tot 'n eis ingevolge sodanige ander polis aanleiding gegee het.